



Arkeologo Raymundo Dijkhoff:

Convenio riba Arkeologia Subacuatico por fin lo wordo ratifica pa henter Reino Hulandes



CO, cu ta casi na un nivel di Bachelor Degree, riba Arkeologia Subacuatico, y na unda cu di 90 estudiante, el a sali e miho. El a bisa si cu na Aruba, pa sigui duna stapnan cu e conocimiento cu mester, mester traha hunto cu e "community archeology y public archeology" pasobra e no ta un responsabilidad di solamente di e Cuerpo di Manager, pero aworaki tambe e comunidad ta responsable, segun e desaroyo di Arkeologia Internacional.



ORANJESTAD (AAN) — Raymundo Dijkhoff, Hefe di Coleccion y Investigacion di Museo Arkeologico, a duna un charla tocante e Desaroyo di Arkeologia Subacuatico na Aruba, unda a culminar den e parti pa ratificacion di e convenio existente, pa henter e Reino Hulandes. Den un entrevista cu DIARIO, Dijkhoff a expresa cu esaki no ta un logro di su persona pero di henter Museo Arkeologico, pero si ta asina cu como esun cu a cuminsa traha na aña 1999, como prome Arkeologo di Aruba, e sa cu Arkeologia no ta solamente e parti Indiano pero e parti di historia y e parti di Arkeologia Subacuatico.

El a traha seis diferente tema, cuminzando pa e introduccion pa duna un tiki contexto di e identidad cu mester maneha, e parti di Arkeologia Maritimo Subacuatico. Na di dos lugar, el a enfoca riba e decadanan di añanan 40 te 1999 cu el a cuminsa traha kico tabata e situacion eyan. Despues a sigui cu e di tres tema cu ta di 1999 pa 2008 (diez aña), e prome contacto científico cu e parti subacuatico cu Aruba tabata tin

e momento ey. Despues, a referi na decada 2009-2018, unda tin mas informacion di e tratado internacional pa preservacion di e parti subacuatico; y di 2019 pa aworaki kico ta e stapnan concreto cu Museo Arkeologico ta tumando, yegando e fin di aña aki pa comienzo di otro aña, cu por fin den henter Reino Hulandes, e tratado aki ta bay wordo ratifica.

"Den cuadro di esey, nos ta bay concientiza e pueblo y loke mi ta dunando aworaki aki ta parti di un plan cu nos ta trahando tras di cortina den full reino, pa tres aña caba, pa concientiza e pueblo; pasobra e ta bay wordo ratifica y esey ta bay tin consecuencianan pa maneho na Aruba, pa tur e stakeholders, y tur desaroyo cu ta pasa den lama, cu mester tene cuenta cu locual tin den Arkeologia Subacuatico. Y na final, mi ta duna conclusion", Raymundo Dijkhoff a señala.

Dijkhoff a splica cu esaki ta un disciplina di Arkeologia, y e ta un experto pero no un especialista. No obstante, el a dedica hopi aña na esaki, y aña pasa el a realiza un estudio intensivo di tres luna cu UNES-

El a subraya cu difícil esaki no ta, y cu esnan cu tin e conocimiento mester sa unda nan tin cu bay pero

hacie hunto, pasobra si no, e ta bay bira mas difícil, pasobra e ta depende di henter e comunidad.